



SLUŽBENI GLASNIK

UNSKO-SANSKOG KANTONA

Godina XI - Broj 3

20. februara 2007.
BIHAĆ

Izdanje na bosanskom
jeziku

36.

Na osnovu člana V. A 2. 11. b) Ustava Unsko-sanskog kantona - prečišćeni tekst ("Sl.glasnik Unsko-sanskog kantona", broj 1/04 i 11/04), Skupština Unsko-sanskog kantona, na 2. sjednici održanoj 8.2.2007. godine, donosi

ZAKON

O DOPUNAMA ZAKONA O PLAĆAMA I NOVČANIM PRIMANJIMA POSLANIKA U SKUPŠTINI UNSKO-SANSKOG KANTONA I NOSILACA IZVRŠNIH FUNKCIJA U VLADI UNSKO-SANSKOG KANTONA

Član 1.

U Zakonu o plaćama, naknadama i novčanim primanjima poslanika u Skupštini Unsko-sanskog kantona i nosilaca izvršnih funkcija u Vladi Unsko-sanskog kantona ("Službeni glasnik Unsko-sanskog kantona", broj 6/04), iza člana 5. dodaje se novi član 5a. koji glasi:

"Poslanici u Skupštini Unsko-sanskog kantona i nosioci izvršnih funkcija u Vladi Unsko-sanskog kantona, nakon prestanka javne funkcije, a do početka ostvarivanja plaće po drugom osnovu ili do ispunjavanja uslova za penziju, imaju:

- sa radnim stažom do 5 godina, tri mjeseca naknadu plaće koju su ostvarili dok su bili na javnoj funkciji, a slijedećih devet mjeseci 50% od te plaće,
- sa radnim stažom od 5 do 15 godina, šest mjeseci naknadu plaće koju su ostvarili dok su bili na javnoj funkciji, a slijedećih šest mjeseci 50% od te plaće,
- sa radnim stažom od 15 do 25 godina, devet mjeseci naknadu plaće koju su ostvarili dok su bili na javnoj funkciji, a slijedeća tri mjeseca 50% od te plaće,
- preko 25 godina radnog staža, 12 mjeseci naknadu plaće koju su ostvarivali dok su bili na javnoj funkciji."

Član 2.

Odredbe ovog Zakona primjenjivat će se na poslanike u Skupštini Unsko-sanskog kantona i nosioce izvršnih funkcija u Vladi Unsko-sanskog

kantona iz mandatnog perioda 2002-2006. godina od dana stupanja na snagu ovog Zakona.

Član 3.

Ovaj Zakon stupa na snagu narednog dana od dana objavljivanja u "Službenom glasniku Unsko-sanskog kantona".

Broj 01-02-1-8/07	Predsjedavajući Skupštine
8. februara 2007. god.	Unsko-sanskog kantona
B i h a ć	Admir Hadžipašić , dipl. pravnik

37.

Na osnovu člana 11. b) i f) odjeljak A poglavlje V. Ustava Unsko-sanskog kantona - prečišćeni tekst ("Sl. glasnik Unsko-sanskog kantona", broj 5/04), Skupština Unsko-sanskog kantona, na 2. sjednici održanoj 8.2.2007. godine, donosi

ZAKON

O IZMJENAMA I DOPUNAMA ZAKONA O POREZIMA U UNSKO-SANSKOM KANTONU

Član 1.

U Zakonu o porezima Unsko-sanskog kantona ("Službeni glasnik Unsko-sanskog kantona", broj 9/99 i 8/00), u odjeljku II tačka 9. "porez na potrošnju alkoholnih i bezalkoholnih pića u ugostiteljstvu", članovi 74, 75, 76. i 77. se brišu.

Dosadašnji članovi 78-166. postaju članovi 74-164.

Član 2.

Ovaj Zakon stupa na snagu osmog dana od dana objavljivanja u "Službenom glasniku Unsko-sanskog kantona".

Broj 01-02-1-7/07	Predsjedavajući Skupštine
8. februara 2007. god.	Unsko-sanskog kantona
B i h a ć	Admir Hadžipašić , dipl. pravnik

38.

Na osnovu člana V. A 2. 11. b) Ustava Unsko-sanskog kantona - prečišćeni tekst ("Sl. glasnik Unsko-sanskog kantona" broj, 1/04 i 11/04), Skupština Unsko-sanskog kantona, na 2. sjednici održanoj 8.2.2007. godine, donosi

ZAKON

O PRESTANKU VAŽENJA ZAKONA O RADNIM ODNOSIMA I PLAĆAMA SLUŽBENIKA ORGANA UPRAVE U UNSKO-SANSKOM KANTONU

Član 1.

Zakon o radnim odnosima i plaćama službenika organa uprave u Unsko-sanskom kantonu ("Službeni glasnik Unsko-sanskog kantona", broj 2/00) prestaje da važi.

Član 2.

Ovaj Zakon stupa na snagu narednog dana od dana objavljivanja u "Službenom glasniku Unsko-sanskog kantona".

Broj 01-02-1-6/07	Predsjedavajući Skupštine
8. februara 2007. god.	Unsko-sanskog kantona
B i h a ć	Admir Hadžipašić , dipl. pravnik

39.

Na osnovu člana V. A. 11.b) Ustava Unsko-sanskog kantona - prečišćeni tekst ("Službeni glasnik Unsko-sanskog kantona", br. 1/04 i 11/04), a u vezi sa članom 3. Zakona o ustanovama ("Službeni list RBiH", broj 6/92 i 13/94), Skupština Unsko-sanskog kantona, na 2. sjednici održanoj dana 8.2.2007. godine, donosi

ODLUKU

O OSNIVANJU JAVNE USTANOVE PEDAGOŠKI ZAVOD UNSKO-SANSKOG KANTONA

I - OSNOVNE ODREDBE

Član 1.

Ovom odlukom dosadašnji Pedagoški zavod Bihać, kao samostalna kantonalna ustanova, osniva se kao "Javna ustanova Pedagoški zavod Unsko-sanskog kantona" (u daljnjem tekstu:

Zavod) i uređuju pitanja koja se odnose na: naziv osnivača, naziv, sjedište i djelatnost Zavoda, iznos osnovnog kapitala, iznos uloga u novcu, zaposlenici Zavoda, prava i obaveze osnivača, način izmirenja troškova osnivanja, imenovanje lica ovlaštenih za vođenje poslovanja i zastupanje Zavoda i prijavu za upis osnivanja Zavoda u Sudski registar, trajanje i prestanak Zavoda, postupak izmjena i dopuna ove Odluke i druga pitanja značajna za poslovanje Zavoda.

II - NAZIV OSNIVAČA

Član 2.

Osnivač Zavoda je Skupština Unsko-sanskog kantona.

III - NAZIV I SJEDIŠTE ZAVODA

Član 3.

Zavod će poslovati pod nazivom: Javna ustanova Pedagoški zavod Unsko-sanskog kantona.

Skraćeni naziv Zavoda je: JU Pedagoški zavod Unsko-sanskog kantona.

Član 4.

Sjedište Zavoda je u Bihaću.

Član 5.

Zavod ima pečat i štambilj.

Pečat Zavoda je okruglog oblika, promjera 50 mm (veliki pečat) i 25 mm (mali pečat), sa tekstom u koncentričnim krugovima istovremeno ispisanim latinicom i ćirilicom: "Bosna i Hercegovina, Federacija Bosne i Hercegovine, Unsko-sanski kanton, JU Pedagoški zavod Unsko-sanskog kantona".

U sredini pečata nalazi se grb Kantona.

Druga pitanja koja se odnose na izgled, broj, upotrebu i čuvanje pečata i štambilja Zavoda uređuju se pravilima Zavoda i aktima direktora Zavoda.

Član 6.

Pitanja u vezi sa organizacijom, načinom rada i funkcioniranjem Zavoda uređuju se Pravilima Zavoda, u skladu sa propisima koji se odnose na javne ustanove.

IV - DJELATNOST ZAVODA

Član 7.

Šifra djelatnosti Zavoda je 75.12 i 75.122.

Djelatnost Zavoda je:

1. Učestvuje u izradi, praćenju i vrednovanju novih nastavnih planova i programa:

- predlaže nove nastavne planove i programe, izmjene i dopune nastavnih planova i programa (koji obuhvataju ciljeve, sadržaje, metodičke preporuke, i u dodatku programa preporučenu opremu i sredstva, te potrebna znanja kadrova),
- evaluira ostvarivost i usklađenost nastavnih programa u odnosu na postavljene ciljeve opšteg kurikulumuma,
- analizira, prati, evaluira primjenu novih programa,
- podržava uvođenje demokratskih i građanskih vrijednosti u sadržaje obrazovnih programa, analizira stepen mogućih korelacija u sadržajima između predmetnih programa i podstiče interdisciplinarni rad,
- pomaže u pripremi i izradi školskog kurikulumuma na zahtjev škole,
- prati i vrednuje uvedene promjene i nudi povratne informacije organima i institucijama nadležnim za odluke u školskom sistemu,
- obavlja druge zadatke po zahtjevu Ministarstva.

2. Organizuje obuku za nastavnike, stručne saradnike i direktore, certificira, licencira i akreditira nastavnike, stručne saradnike i direktore za odgojno-obrazovni proces; osigurava mogućnosti za kontinuirani profesionalni razvoj zaposlenih u obrazovanju i preduvjete za dobru pedagošku praksu kroz različite aktivnosti i oblike stručnog usavršavanja putem:

- seminara, savjetovanja, okruglih stolova, radnih sastanaka, konsultacija,
- određivanja mentorstva, organizacije i praćenja rada pripravnika i mentora,
- studijskih posjeta,
- izdavanja priručnika,
- izdavanja časopisa sa primjerima dobre prakse,
- informiranja na Web stranama Zavoda,
- preporuka iz stručne i metodičke literature.

3. Prati i vrednuje kvalitet odgojno-obrazovnog rada u školi:

- izrađuje, definira indikatore kvaliteta u obrazovanju,
- usaglašava indikatore kvaliteta za ključne oblasti rada škole za internu i eksternu evaluaciju,
- savjetuje u procesu izrade razvojnog plana škole,
- evaluira stanje odgojno-obrazovnog procesa na standardiziran i kontinuiran način (primjenom instrumenata za evaluaciju), podstiče prilagođavanje nastavog procesa savremenim pedagoškim teorijama i praksi,
- organizuje, provodi i evaluira eksternu i internu provjeru znanja i postignuća učenika u skladu sa zakonima o obrazovanju,
- podstiče, razvija i evaluira proces uključivanja djece sa posebnim potrebama u školski sistem u saradnji sa Ministarstvom,
- evaluira proces uključivanja romske djece u školski sistem u saradnji sa Ministarstvom,
- formira i održava različite baze podataka za potrebe analize, praćenja i evaluacije školske prakse.

4. Vršiti istraživanja za vlastite potrebe ili po zahtjevu Vlade, Ministarstva i Univerziteta:

- definira prioritetne istraživačke probleme, u skladu sa potrebama pedagoške prakse,
- kontinuirano prati i sakuplja podatke i važne informacije (iz pedagoške prakse, ukupnog društvenog konteksta i literature) o funkcioniranju obrazovnog sistema u našoj zemlji i svijetu,
- izrađuje instrumente za analizu pedagoških pitanja i problema,
- inicira i definira nacрте istraživačkih projekata, kvalitativnih i kvantitativnih, za istraživanje stavova javnog mnijenja prema obrazovanju (pojedinačnih elemenata i procesa unutar istog),
- inicira i definira nacрте projekata za (ne) posredna istraživanja nastavnog procesa, njegovih elemenata i sudionika,
- analizira i interpretira rezultate istraživanja i predlaže rješenja za unapređenje pedagoške prakse i položaja obrazovnog sistema,

- izrađuje izvještaje za različite korisnike, naručioce istraživanja,

- publikuje i dostavlja korisnicima istraživačke izvještaje i druge informacije.

Aktivnosti Zavoda su u funkciji ostvarivanja ciljeva obrazovne reforme kroz stalno osiguravanje stručnih informacija koje služe kao polazišta organima i institucijama nadležnim za odlučivanje i vođenje obrazovne politike.

V - IZNOS SREDSTAVA ZA OSNIVANJE I POČETAK RADA

Član 8.

Sredstva za osnivanje i početak rada Zavoda čini ulog u novcu u iznosu od 10.000 KM (slovima: deset hiljada KM), koji će osnivač uplatiti na poseban račun prije podnošenja prijave za upis u Sudski registar.

Ulog iz stava 1. ovog člana predstavlja udjel osnivača u Zavodu.

VI - SREDSTVA I IMOVINA ZAVODA

Član 9.

Sredstva Zavoda čine stvari, prava i novac. Imovinu Zavoda čine sredstva i prava, odnosno oprema i druga sredstva dosadašnjeg Pedagoškog zavoda.

Član 10.

Sredstva za rad Zavoda osiguravaju se iz budžeta osnivača, intelektualnih usluga, aplikacija na međunarodne projekte, usluga licenciranja, akreditacije i certifikacije i drugih izvora u skladu sa Zakonom.

Član 11.

Zavod vodi poslovne knjige u skladu sa Zakonom i drugim propisima.

VII - PRAVA I OBAVEZE ZAVODA I OSNIVAČ

Član 12.

Zavod je utemeljen kao javna ustanova s temeljnom zadaćom stručne pomoći predškolskim ustanovama, osnovnim i srednjim školama.

Član 13.

Zavod podnosi osnivaču Pravila Zavoda radi davanja saglasnosti, podnosi izvještaj o radu, izvještaj o finansijskom poslovanju i druge obaveze utvrđene ovom Odlukom i Pravilima Zavoda.

VIII - UPRAVLJANJE I ZASTUPANJE**1. Upravni odbor****Član 14.**

Zavodom upravlja Upravni odbor, koji ima pet (5) članova, a čine ga predstavnici:

1. osnivača - jedan član,
2. zaposlenici iz Pedagoškog zavoda - dva člana,
3. zaposlenici iz odgojno-obrazovnih ustanova - dva člana.

Članove Upravnog odbora imenuje i razrješava Vlada Kantona na prijedlog Vladine Komisije za izbor i imenovanje, a nakon provedene procedure javnog oglašavanja upražnjenih pozicija, u skladu sa Zakonom.

Ostala pitanja koja se odnose na način izbora, razrješavanja i mandate članova Upravnog odbora uređuju se Pravilima Zavoda u skladu sa Zakonom.

Član 15.

Upravni odbor Zavoda nadležan je da:

1. donosi Pravila Zavoda, opći akt o unutrašnjoj organizaciji i cjenovnik usluga, uz suglasnost Vlade Kantona;
2. donosi godišnji program rada Zavoda i prati njegovo izvršenje, uz suglasnost Skupštine Unsko-sanskog kantona;
3. imenuje i razrješava direktora Zavoda, uz suglasnost Vlade Kantona;
4. utvrđuje plan rada;
5. donosi finansijski plan i završni račun Zavoda, uz suglasnost Vlade Kantona i Skupštine Unsko-sanskog kantona;
6. usvaja izvještaj o radu i finansijskom poslovanju i podnosi ga osnivaču;
7. odlučuje o promjeni unutrašnje organizacije Zavoda, uz suglasnost Vlade Kantona;

8. predlaže osnivaču promjene djelatnosti i statusne promjene Zavoda;

9. vrši i druge nadležnosti u skladu sa Zakonom i Pravilima Zavoda.

2. Direktor**Član 16.**

Zavod zastupa direktor, koji organizuje rad i rukovodi poslovanjem, zastupa i predstavlja Zavod i odgovora za zakonitost poslovanja Zavoda.

Zavod mogu zastupati i druga lica određena Pravilima Zavoda, u skladu sa Zakonom.

Član 17.

Direktora Zavoda imenuje i razrješava Upravni odbor Zavoda, uz suglasnost Vlade Kantona, nakon provedene procedure javnog oglašavanja upražnjene pozicije u skladu sa Zakonom.

Za direktora Zavoda može se imenovati lice koje ima VII stepen stručne spreme svih profila, koje ima pravo izvoditi nastavu u odgojno-obrazovnim ustanovama, ima položen stručni ispit u odgojno-obrazovnoj struci i najmanje pet godina radnog staža u odgojno-obrazovnoj struci.

Član 18.

Ako direktor Zavoda nije imenovan u skladu sa Zakonom u roku od 60 dana od dana isteka konkursa, Upravni odbor donosi odluku o postavljenju vršioca dužnosti direktora.

Član 19.

Upravni odbor može razriješiti direktora prije isteka mandata za koji je imenovan ako:

1. direktor to lično zahtijeva;
2. nastane neki od razloga koji prema posebnim propisima ili propisima kojima se uređuje radni odnos dovede do prestanka radnog odnosa;
3. u svom radu krši propise i opće akte Pedagoškog zavoda, ili ne izvršava odluke Upravnog odbora, ili postupa suprotno njima;
4. u drugim slučajevima propisanim Zakonom i Pravilima Zavoda.

Član 20.

Direktor Zavoda nadležan je da:

1. organizuje rad i rukovodi poslovanjem Zavoda;
2. zastupa i predstavlja Zavod i odgovara za zakonitost poslovanja Zavoda;

3. stara se o blagovremenom osiguranju finansijskih sredstava potrebnih za zadovoljavanje potreba za vršenje djelatnosti Zavoda;
4. predlaže Upravnom odboru mjere za efikasno obavljanje djelatnosti Zavoda;
5. predlaže unutrašnju organizaciju Zavoda;
6. predlaže osnove plana rada i razvoja;
7. izvršava odluke Upravnog odbora;
8. podnosi Upravnom odboru godišnji plan rada, izvještaje o radu i izvještaje o finansijskom poslovanju;
9. odlučuje o pravima, obavezama i odgovornosti iz radnog odnosa zaposlenika Zavoda;
10. obavlja i druge poslove utvrđene Zakonom, Pravilima Zavoda i drugim općim aktima Zavoda.

Član 21.

Direktor je naredbodavac za izvršenje finansijskog plana.

Direktor je odgovoran Upravnom odboru za rezultate rada i finansijsko poslovanje Zavoda.

Član 22.

Sva druga pitanja koja se odnose na imenovanje i razrješenje direktora, djelokrug rada i vršenje prava i obaveza uređuju se Pravilima Zavoda.

Član 23.

Za direktora Zavoda u osnivanju i lice ovlašteno za vođenje poslovanja i zastupanje Zavoda i prijavu za upis osnivanja Zavoda u Sudski registar imenuje se diplomirani inženjer Ismet Bećiragić.

IX - NADZOR

Član 24.

Nadzorni odbor broji tri (3) člana, čijeg predsjednika i članove imenuje i razrješava Vlada Unsko-sanskog kantona u skladu sa Zakonom o ministarskim, vladinim i drugim imenovanjima.

Nadzorni odbor:

- analizira izvještaj o poslovanju ustanove,
- u obavljanju nadzora nad upotrebom sredstava za rad, pregleda godišnji izvještaj o poslovanju i godišnji obračun,

- pregleda i provjerava urednost i zakonitost vođenja poslovnih knjiga,
- izvještava osnivača, Upravni odbor i direktora o rezultatima nadzora.

Član 25.

Nadzor nad zakonitošću rada Zavoda vrši Kantonalno ministarstvo obrazovanja, nauke, kulture i sporta.

Inspekcijski nadzor nad radom Zavoda vrše nadležni prosvjetni inspektori u skladu sa Zakonom.

X - PRESTANAK RADA ZAVODA

Član 26.

Zavod se osniva na neodređeno vrijeme.

Zavod prestaje sa radom:

1. odlukom osnivača;
2. ako ne ispunjava Zakonom propisane uvjete za obavljanje djelatnosti;
3. odlukom nadležnog organa;
4. u drugim slučajevima predviđenim Zakonom.

XI - OPĆI AKTI ZAVODA

Član 27.

Osnovni opći akti Zavoda su Pravila Zavoda, pravilnici i odluke, kojima se uređuju pitanja utvrđena Zakonom i drugim propisima koji se primjenjuju na javne ustanove.

U Zavodu se mogu donositi i drugi opći akti u skladu sa Zakonom i Pravilima Zavoda.

Izmjene i dopune Pravila i drugih općih akata Zavoda vrše se na način i po postupku utvrđenom za njihovo donošenje.

XII - PRIJELAZNE I ZAVRŠNE ODREDBE

Član 28.

Stupanjem na snagu ove Odluke, Zavod preuzima prostor za rad, imovinu, zaposlenike, arhivu, predmete, akte i drugu dokumentaciju i sredstva za rad dosadašnjeg Pedagoškog zavoda Bihać kao kantonalne ustanove.

Član 29.

U roku od 60 dana od dana upisa Zavoda u Sudski registar, Vlada Kantona imenovat će Upravni odbor Zavoda.

Upravni odbor će u roku od 30 dana imenovati direktora Zavoda, donijeti opći akt o unutrašnjoj organizaciji Zavoda i poduzeti mjere neophodne za otpočinjanje s radom Zavoda.

Član 30.

Ova Odluka je osnivački akt na temelju kojeg će se izvršiti upis Zavoda u sudski registar.

Izmjene i dopune ove Odluke vrši osnivač, na način i po postupku utvrđenim za njeno donošenje.

Član 31.

Početak rada Zavoda, prestaje s radom dosadašnji Pedagoški zavod Bihać kao samostalna kantonalna ustanova osnovan Zakonom o kantonalnim ministarstvima i drugim tijelima kantonalne uprave ("Službeni glasnik Unsko-sanskog kantona" - broj, 3/2000 od 7.6.2000).

Član 32.

Ova Odluka stupa na snagu narednog dana od dana objavljivanja u "Službenom glasniku Unsko-sanskog kantona".

Broj 01-02-3-10/07 Predsjedavajući Skupštine
8. februara 2007. god. Unsko-sanskog kantona
B i h a ć **Admir Hadžipašić**, dipl. pravnik

40.

Na osnovu člana V. B 2. Ustava Unsko-sanskog kantona ("Službeni glasnik Unsko-sanskog kantona", broj 1/04 i 11/04) i člana 181. Poslovnika Skupštine Unsko-sanskog kantona ("Službeni glasnik Unsko-sanskog kantona", broj 5/04), Skupština Unsko-sanskog kantona, na 2. sjednici održanoj 8. februara 2007.godine, donijela je

ODLUKU**I**

Razrješava se dužnosti ministar Kantonalnog ministarstva za pitanje boraca i ratnih vojnih invalida u Vladi Unsko-sanskog kantona Šefik Veladžić zbog izbora za poslanika u Skupštini Unsko-sanskog kantona.

II

Ova Odluka stupa na snagu danom donošenja i objavit će se u "Službenom glasniku Unsko-sanskog kantona".

Broj 01-02-3-4/07 Predsjedavajući Skupštine
8. februara 2007. god. Unsko-sanskog kantona
B i h a ć **Admir Hadžipašić**, dipl. pravnik

41.

Na osnovu člana 17. c Zakona o unutrašnjim poslovima Unsko-sanskog kantona ("Službeni glasnik Unsko-sanskog kantona", broj 1/97, 1/02, 6/02 i 8/02), na prijedlog Komisije za izbor i imenovanje i finansijsko-administrativna pitanja Skupštine Unsko-sanskog kantona, Skupština Unsko-sanskog kantona, na 2. sjednici održanoj 8. februara 2007.godine, donijela je

ODLUKU**I**

KARABEGOVIĆ IRFAN iz Cazina bira se za člana Nezavisnog odbora za izbor i reviziju policijskog komesara.

II

Mandat izabranog člana traje do isteka mandata Nezavisnog odbora za izbor i reviziju policijskog komesara.

III

Ova Odluka stupa na snagu danom donošenja i objavit će se u "Službenom glasniku Unsko-sanskog kantona".

Broj 01-02-3-5/07 Predsjedavajući Skupštine
8. februara 2007. god. Unsko-sanskog kantona
B i h a ć **Admir Hadžipašić**, dipl. pravnik

42.

Na osnovu člana 95. Poslovnika Skupštine Unsko-sanskog kantona ("Službeni glasnik Unsko-sanskog kantona", br. 5/04), Skupština Unsko-sanskog kantona, na 2. sjednici održanoj 8. februara 2007. godine, donijela je slijedeći

godine da se Muhamed Alibegović, dipl. pravnik iz Bihaća, razriješiti dužnosti direktora JU "Služba za zapošljavanje Unsko-sanskog kantona" Bihać, a na osnovu ličnog zahtjeva.

II

Ova Odluka stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-936/2007 - OC

1. februara 2007. god.

Bihać

Premijer Kantona
mr. **Osman Čehajić**

46.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", br. 2/97, "Službeni glasnik Unsko-sanskog kantona", br. 3/2000, 5/2000, 3/2003 i 20/2004), a u vezi sa odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/2003), Vlada Unsko-sanskog kantona, na sjednici održanoj dana 1.2.2007.godine, donosi

ODLUKU

I

Daje se saglasnost na Odluku Upravnog odbora JU "Služba za zapošljavanje Unsko-sanskog kantona" Bihać broj 01-832-1/07 od 26.1.2007. godine da se Avdo Kuduzović, profesor iz Bihaća, imenuje za vršioca dužnosti direktora JU "Služba za zapošljavanje Unsko-sanskog kantona" Bihać, a najduže na period od 2 (dva) mjeseca, shodno odredbama Zakona o ministarskim, vladinim i drugim imenovanjima Federacije Bosne i Hercegovine.

II

Zadužuje se Upravni odbor JU "Služba za zapošljavanje Unsko-sanskog kantona" Bihać da provede proceduru popune upražnjene pozicije direktora JU "Služba za zapošljavanje Unsko-sanskog kantona" Bihać, shodno odredbama Zakona o ministarskim, vladinim i drugim imenovanjima Federacije Bosne i Hercegovine.

III

Ova Odluka stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-937/2007 - OC

1. februara 2007. god.

Bihać

Premijer Kantona
mr. **Osman Čehajić**

47.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", br. 2/97, "Službeni glasnik Unsko-sanskog kantona", br. 3/2000, 5/2000, 3/2003 i 20/2004), a u vezi sa članom 6. Zakona o predškolskom obrazovanju ("Službeni glasnik Unsko-sanskog kantona", broj 3/97 i 6/05) i Odlukom o privremenom finansiranju Unsko-sanskog kantona za period januar - mart 2007. godine ("Službeni glasnik Unsko-sanskog kantona", broj 19/06), Vlada Unsko-sanskog kantona, na sjednici održanoj dana 12.2.2007. godine, donosi

ODLUKU

I

Odobrava se isplata brutoplaće zaposlenicima u javnim predškolskim ustanovama za mjesec novembar i decembar 2006. godine iz sredstava Odluke o privremenom finansiranju Unsko-sanskog kantona za period januar-mart 2007. godine.

II

O realizaciji ove Odluke starat će se Kantonalno ministarstvo obrazovanja, nauke, kulture i sporta i Kantonalno ministarstvo finansija.

III

Ova Odluka stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-950/2007 - OC

12. februara 2007. god.

Bihać

Premijer Kantona
mr. **Osman Čehajić**

48.

Na osnovu člana 29. stav 1. Zakona o udruženjima i fondacijama ("Službene novine Federacije Bosne i Hercegovine", broj 45/02), rješavajući po zahtjevu udruženja "Krajiško srce" Jezerski za upis u Registar udruženja Unsko-sanskog kantona, Kantonalno ministarstvo pravde donosi

RJEŠENJE

1. Dana 25.1.2007. godine u Registru udruženja Unsko-sanskog kantona, Knjiga IV, pod registarskim brojem 160. upisano je udruženje "Krajiško srce".

Sjedište udruženja je u Jezerskom bb, Bosanska Krupa.

2. Djelatnosti udruženja su:

- izrada prikladnih programa rada i djelovanja,
- podsticanje individualnog rada svojih članova,
- organiziranje različitih vidova djelovanja,
- koordiniranje i usmjeravanje svog članstva,
- ostvarivanje saradnje sa sličnim i srodnim udruženjima,
- analiziranje uspješnosti rada udruženja i
- obavljanje drugih djelatnosti u skladu sa Statutom udruženja i Zakonom.

3. Lice ovlašteno za zastupanje i predstavljanje udruženja je Rasim Ramić, predsjednik udruženja.

Broj 07-05-902-UP-1/07
25. januara 2007. god.
Bihać

Ministrica
Višnja Jolić

49.

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), rješavajući po zahtjevu udruženja "Gorska služba spašavanja - Stanica Bihać" za upis u Registar udruženja Unsko-sanskog kantona, Kantonalno ministarstvo pravde donosi

RJEŠENJE

1. Dana 22.1.2007. godine u Registru udruženja Unsko-sanskog kantona, Knjiga IV, pod

registarskim brojem 158. upisano je udruženje "Gorska služba spašavanja - Stanica Bihać".

Sjedište udruženja je Bihać, Džanića mahala broj 7.

2. Djelatnosti udruženja su:

- djelovanje na stvaranju zaštite, sigurnosti i bezbjednosti boravka planinara, sportaša i građana u prirodi uopće,
 - preventivno djelovanje članova u svim planinarskim društvima u cilju povećanja sigurnosti u planinama,
 - edukacija i prevencija, odnosno sprečavanje nesreća na nepristupačnim terenima, posebno planinarskih nesreća,
 - djelovanje na zaštiti ljudske okoline i razvoju planinarstva uopće,
 - saradnja sa svim organizacijama koje se u svojim programima pozivaju na zaštitu ekoloških vrijednosti naše okoline,
 - uključivanje u realizaciju programskih aktivnosti Planinarskog saveza Bosne i Hercegovine, te planinarskih društava oko sigurnog i bezbjednog boravka, kretanja planinara i građana u prirodi i planini,
 - organiziranje i obezbjeđenje planinarskih pohoda, sletova, logorovanja i planinarskih aktivnosti gdje je teren teško pristupačan,
 - školovanje kadrova za planinarske spasilačke aktivnosti, te za druge aktivnosti za koje se ukaže potreba,
 - saradnja sa drugim udruženjima i organizacijama koje su po svojim ciljevima bliske "GSS-stanica Bihać",
 - obavljanje i drugih djelatnosti koje su u skladu sa Zakonom i Statutom udruženja.
3. Lica ovlaštena za zastupanje i predstavljanje udruženja su HAVIĆ HAJRUDIN, predsjednik Upravnog odbora udruženja, i LIPOVAČA ERMIN, načelnik Stanice.

Broj 07-05-13863-UP-1/06
22. januara 2007. god.
Bihać

Ministrica
Višnja Jolić

50.

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), rješavajući po zahtjevu udruženja "Ekološko udruženje za uzgoj i zaštitu sitnih životinja 'ŠTIGLIC'" iz Sanskog Mosta za upis u Registar udruženja Unsko-sanskog kantona, Kantonalno ministarstvo pravde donosi

RJEŠENJE

1. Dana 29.1.2007. godine u Registru udruženja Unsko-sanskog kantona, Knjiga IV, pod registarskim brojem 159. upisano je udruženje "Ekološko udruženje za uzgoj i zaštitu sitnih životinja 'ŠTIGLIC'".

Sjedište Udruženja je Sanski Most, N. 17 VKB-Grad.

2. Djelatnosti Udruženja su:

- podsticanje razvoja ptičarstva, golubarstva, peradarstva, kuničarstva i akvaristike na području Sanskog Mosta,
- saradnja sa ostalim udruženjima koja se bave istim djelatnostima, kao i organizacijama (nevladine/vladine) koje potpomažu i kreditiraju programe uzgoja i zaštite sitnih životinja,
- podsticanje organiziranja susreta te razmjene informacija sa zainteresiranim osobama, organizacijama, ustanovama iz susjednih općina, kantona, Federacije Bosne i Hercegovine, Republike Srpske na državnom i međunarodnom nivou,
- pomoć članovima Udruženja pri prodaji viška uzgojenih sitnih životinja,
- nabavka ptica i drugih sitnih životinja, kao i opreme, hrane, prstenova i drugih neophodnih sredstava za uzgoj i zaštitu sitnih životinja za potrebe članova, uz participaciju članova Udruženja, izdvajanjem iz budžeta Udruženja ukoliko je on zadovoljavajući ili od donacija,
- promocija ptica koje su uzgojili članovi Udruženja,
- organiziranje seminara, savjetovanja iz oblasti uzgoja i zaštite sitnih životinja, odnosno načina održavanja zdravstvenog stanja ptica,

- organiziranje izložbe na lokalnom nivou, te učešće članova Udruženja na izložbama državnog i međunarodnog nivoa.

3. Lice ovlašteno za zastupanje i predstavljanje Udruženja je KARAT HARIS, predsjednik Udruženja.

Broj 07-05-14671-UP-1/06
29. januara 2007. god.
Bihać

Ministrica
Višnja Jolić

51.

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), rješavajući po zahtjevu udruženja Šahovski klub "Mirsad Crnkić" iz Bosanske Krupe za upis u Registar udruženja Unsko-sanskog kantona, Kantonalno ministarstvo pravde donosi

RJEŠENJE

1. Dana 12.2.2007. godine u Registru udruženja Unsko-sanskog kantona, Knjiga IV, pod registarskim brojem 162. upisano je udruženje Šahovski klub "Mirsad Crnkić".

Sjedište Udruženja je Bosanska Krupa, Ul. branilaca grada broj 15.

2. Ciljevi osnivanja Udruženja su:

- planiranje i organiziranje sportskih i kulturnih aktivnosti na području općine Bosanska Krupa i području Unsko-sanskog kantona s ciljem popularizacije i unapređenja šahovske igre sve do postizanja vrhunskih rezultata članova udruženja (svih uzrasta, kategorija i rangova),
- unapređenje šaha u duhu mirne i fer-plej igre bez diskriminacije po političkom, spolnom, vjerskom i rasnom osnovu,
- podsticanje poštivanja principa lojalnosti, integriteta i sportskog duha u skladu sa principima fer-plej igre,
- razvijanje kod članova udruženja intelektualnih sposobnosti i dobrih karakternih osobina kao što su disciplina, taktičnost i skromnost,
- osiguranje uslova za razvoj zdrave sportske ličnosti, kolegijalnih odnosa i smisla za kolegijalni rad,

- njegovanje i afirmacija etičkih i moralnih osobina čovjeka uz obogaćivanje slobodnog vremena,

- podsticanje izgrađivanja slobodne i svestrane ljudske ličnosti.

3. Lica ovlaštena za zastupanje i predstavljanje udruženja su HASIĆ ISMET, predsjednik Upravnog odbora udruženja, i EZIĆ ESMIR, predsjednik Skupštine udruženja.

Broj 07-05-14610-UP-1/06
12. februara 2007. god.
Bihać

Ministrica
Višnja Jolić

52.

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), rješavajući po zahtjevu udruženja Fitness klub "FORMA" iz Sanskog Mosta za upis u Registar udruženja Unsko-sanskog kantona, Kantonalno ministarstvo pravde donosi

RJEŠENJE

1. Dana 13.2.2007. godine u Registru udruženja Unsko-sanskog kantona, Knjiga IV, pod registarskim brojem 163. upisano je udruženje Fitness klub "FORMA".

Sjedište udruženja je Sanski Most, Ul. ključka bb.

2. Ciljevi osnivanja udruženja su:

- okupljanje ljubitelja fitnessa svih starosnih kategorija s ciljem poboljšanja fizičke kondicije, otklanjanja tjelesnih nedostataka, izgradnje skladnije figure,
- organiziranje sportskih takmičenja u fitnessu, body buildingu, takmičenja mode i ljepote te drugih revija i umjetničkih manifestacija,
- razvijanje i njegovanje međusobne solidarnosti i uzajamnosti među članovima i ostalim građanima simpatizerima i ljubiteljima fitness sporta,
- organiziranje različitih treninga, te kurseva aerobika, stepaerobika, kalanetiksa, tai chi, taekwondo, pilatesa, kardiofitness, joga,
- zastupanje i zaštita interesa članova udruženja i drugih zainteresiranih građana pred državnim organima, privrednim i drugim organizacijama,

- obavljanje i drugih djelatnosti navedenih u članu 5. Statuta udruženja koje su u skladu sa Zakonom o udruženjima i fondacijama.

3. Lica ovlaštena za zastupanje i predstavljanje udruženja su DEDIĆ MIDHAT, predsjednik udruženja, i ZUKIĆ SABAHUDIN, sekretar.

Broj 07-05-13974-UP-1/06
13. februara 2007. god.
Bihać

Ministrica
Višnja Jolić

53.

Općinski sud u Velikoj Kladaši po sutkinji Jahjefendić Samiri u pravnoj stvari tužitelja Osmankić Šerif sin Osmana iz Todorovske Slapnice, Velika Kladaša, zastupan po punomoćniku advokatu Safić Rami iz Velike Kladaše, protiv tuženih 1. Osmankić Hasan sin Hasana iz Todorova, Velika Kladaša, 2. Osmankić (NN) Bejza iz Todorova, 3. Osmankić Derviš sin Mehmeda iz Todorova, 4. Osmankić Hasib sin Mehmeda iz Todorova, 5. Osmankić Hasnija kći Mehmeda iz Todorova, 6. Osmankić Osman sin Hasana iz Todorovske Slapnice, Velika Kladaša, 7. Osmankić Hasan sin Mehmeda iz Todorova, 8. Osmankić Sulejman sin Hasiba iz Todorovske Slapnice, 9. Silahić Atif sin Mehmeda iz Todorova, 10. Silahić Bešir sin Mehmeda iz Todorova, 11. Silahić Abid sin Mehmeda iz Todorova, 12. Dautović Mumin sin Salke iz Todorova, radi utvrđenja prava vlasništva i upisa u zemljišne knjige vsp. 5.100,00 KM, van ročišta za raspravu dana 25.1.2007. godine izdao je

OGLAS

O POSTAVLJANJU PRIVREMENOG ZASTUPNIKA

Rješenjem ovog suda br. 023-0-P-06-000 674 od 25.1.2007. godine, na osnovu člana 296. stav 2. tačka 4. Zakona o parničnom postupku, u ovoj pravnoj stvari po tužbi tužitelja, radi utvrđenja vlasništva, tuženima Osmankić Hasan sin Hasana iz Todorova, Osmankić (NN) Bejza iz Todorova, Osmankić Derviš sin Mehmeda iz Todorova, Osmankić Hasib sin Mehmeda iz Todorova, Osmankić Hasnija kći Mehmeda iz Todorova, Osmankić Osman sin Hasana iz Todorovske Slapnice, Osmankić Hasan sin Mehmeda iz

58.

Općinski sud u Velikoj Kladaši po sutkinji Jahjefendić Samiri u pravnoj stvari tužiteljice Felić Fatime iz Velike Kladaše, zastupana po punomoćniku advokatu Adilagić Azizu iz Velike Kladaše, protiv tuženih 1. Felić Omera sin Hamida, Velika Kladaša, 2. Felić Sulejmana sin Hamida, Velika Kladaša, 3. Felić Dževada sin Hamida, USA, 4. Kapić rođ. Felić Raseme kći Hamida, USA, 5. Felić Ekrema sin Hamida, Njemačka, 6. Muminćehajić rođ. Felić Amire, Njemačka, 7. Čoralić rođ. Felić Ekreme, Švicarska, 8. Felić Hamida sin Ismeta, Velika Kladaša, 9. Felić Esmeralde kći Ismeta, Velika Kladaša, tuženi 3, 4, 5, 6 i 7 zastupani po punomoćniku Felić Omeru sin Hamida iz Velike Kladaše, radi izdvajanja iz zaostavštine i utvrđenja vlasništva vsp. 30.000,00 KM, van ročišta za raspravu dana 31.1.2007. godine izdao je

OGLAS**O POSTAVLJANJU PRIVREMENOG
ZASTUPNIKA**

Rješenjem ovog suda br. P: 94/01 od 31.1.2007. godine, na osnovu člana 296. stav 2. tačka 4. Zakona o parničnom postupku, u ovoj pravnoj stvari po tužbi tužitelja, radi utvrđenja, tuženima Felić Hamidu sin Ismeta i Felić Esmeraldi kći Ismeta, oboje iz Velike Kladaše, sada nepoznatog boravišta, postavljen je privremeni zastupnik u osobi tuženog Felić Omera sin Hamida iz Velike Kladaše

Istim rješenjem određeno je da će privremeni zastupnik zastupati tužene u postupku sve dok se tuženi ili njihovi punomoćnici ne pojave pred sudom, odnosno dok organ starateljstva ne obavijesti sud da je tuženima postavio staratelja.

Broj P: 94/01
31. januara 2007. god.
Velika Kladaša

Sutkinja
Samira Jahjefendić

S A D R Ź A J

36. Zakon o dopunama Zakona o plaćama i novčanim primanjima poslanika u Skupštini Unsko-sanskog kantona i nosilaca izvršnih funkcija u Vladi Unsko-sanskog kantona	77	41. Odluka broj 01-02-3-5/07	83
37. Zakon o izmjenama i dopunama Zakona o porezima u Unsko-sanskom kantonu	78	42. Zaključak broj 01-02-4-11/07	83
38. Zakon o prestanku važenja Zakona o radnim odnosima i plaćama službenika organa uprave u Unsko-sanskom kantonu	78	43. Zaključak broj 01-02-4-12/07	84
39. Odluka o osnivanju Javne ustanove Pedagoški zavod Unsko-sanskog kantona	78	44. Odluka o konačnom imenovanju direktora ZU Kantonalna bolnica "Dr. Irfan Ljubijankić" Bihać	84
40. Odluka broj 01-02-3-4/07	83	45 - 47. Odluke	84
		48 - 52. Rješenja	86
		53 - 58. Oglasi o postavljanju privremenih zastupnika	88

OBAVJEŠTENJE

Obavještavamo pravna i fizička lica, dosadašnje pretplatnike, kao i lica koja žele da se pretplate za "Službeni glasnik Unsko-sanskog kantona" za ovu i narednu godinu, da godišnja pretplata iznosi 200,00 KM sa porezom, a može se izvršiti na račun broj 1290079402494455 u korist Budžeta USK-a, vrsta prihoda 722631, budžetska organizacija 2101001, identifikacijski broj 4263249630000.